

四庫全書

集部

欽定四庫全書

御定全唐詩卷六百

牛徵

牛徵叢之子僧孺之孫登咸通二年進士第詩一首

登越王樓即事

危樓送遠目信美奈鄉情轉岸孤舟疾銜山落照明蕭
條看草色惆悵認江聲誰會登臨恨從軍白髮生

伊璠

伊璫咸通四年登進士第為涇陽令詩一首

及第後寄梁燭處士

繡轂尋芳許史家獨將羈事遠江沙十年辛苦一枝桂
二月豔陽千樹花鵬化四溟歸碧落鶴棲三島接青霞
同袍不得同遊翫今對春風日又斜

蕭邁

蕭邁徐國公嵩之四代孫咸通五年登進士第僖宗幸
蜀拜相後為偽煚所污賜死詩三首

春詩

南國韶光早春風送臘來水堤煙報柳山寺雪驚梅練
色鋪江晚潮聲逐渚迴青旗問沽酒何處撥寒醅

和王侍中謁張惡子廟

青骨祀吳誰讓德紫華居越亦知名未聞一劍傳唐主
長擁千山護蜀城斬馬威稜應掃蕩截蛟鋒刀俟昇平
鄼侯為國親簫鼓堂上神籌更布兵

成都

月曉已開花市合江平偏見竹簾多好教載取芳菲樹
剩照岷天瑟瑟波

句

吾家九葉相盡繼明時出

與子三兒生日
困學紀聞

韋承貽

韋承貽字貽之咸通八年登第詩二首

策試夜潛紀長句於都堂西南隅

褒衣博帶滿塵埃獨自都堂納卷回蓬卷幾時聞吉語

棘籬何日免重來三條燭盡鐘初動九轉丹成鼎未開
殘月漸低人擾擾不知誰是謫仙才

白蓮千朶照廊明一片昇平雅頌聲才唱第三條燭盡

南宮風月盡難成

此首一作薛能詩

鄭洪業

鄭洪業咸通八年第一人擢第詩一首

詔放雲南子弟還國

德被陪臣子仁垂聖主恩雕題辭鳳闕丹服出金門有

澤沾殊俗無征及獷獫銅梁分漢土玉壘駕鸞軒瘴嶺
蠶叢盛巴江越雋垠萬方同感化豈獨自南蕃

孫緯

孫緯咸通八年宏詞登科詩一首

中秋夜思鄭延美有作

中秋中夜月世說惛妖精顧兔雲初蔽長蛇誰與勅未
追良友翫安用玉輪盈此意人誰喻裁詩穿禁城

歐陽玘

歐陽玘衮之子咸通十年擢進士第官書記詩五首

清曉捲簾

清曉意未愜捲簾時一吟檻虛花氣密地暖竹聲深秀
色還朝暮浮雲自古今石泉驚已躍會可洗幽心

巴陵

孤城向夕原春入景初暄綠樹低官舍青山在縣門樓
臺疑結蜃枕席更聞猿客路何曾定棲遲欲斷魂

榆溪道上

初日在斜溪山雲片片低鄉愁夢裏失馬色望中迷澗底淒泉氣巖前遍綠萸非關秦塞去無事候晨雞

新嶺臨眺寄連總進士

關勢遙臨海峰巒半入雲煙中獨鳥下潭上雜花熏寄遠悲春草登臨憶使君此時還極目離思更紛紛

幽軒

幽軒斜映山空澗復潺潺重疊巖巒趣遙來窗戶間桃花飄岫恍燕子語松關衣桁侵池翠階痕露蘚斑臨風

清瑟奏對客白雲閑春戀青春色含毫俯碧灣

張演

張演咸通十三年及第詩一首

社日村居

一作王
駕詩

鵝湖山下稻梁肥狔穽雞棲

一作
時

對

一作
半

掩扉桑柘影

斜春社散家家扶得醉人歸

裴澈

裴澈登咸通進士第僖宗朝拜相以擁立偽煜誅詩一

首

弔孟昌圖

一章何罪死何名投水惟君與屈平從此蜀江煙月夜
杜鵑應作兩般聲

翁綬

翁綬登咸通進士第詩八首

婕妤怨

讒謗潛來起百憂朝承恩寵暮仇讎火燒白玉非因玷

霜翦紅蘭不待秋花落
昭陽誰共輦月明長信獨登樓
繁華事逐東流水
團扇悲歌萬古愁

隴頭吟

隴水潺湲隴樹黃
征人隴上盡思鄉
馬嘶斜月朔風急
雁過寒雲邊思長
殘月出林明劒戟
平沙隔水見牛羊
橫行俱是封侯者
誰斬樓蘭獻未央

關山月

裴回漢月滿邊州
照盡天涯到隴頭
影轉銀河寰海靜

光分玉塞古今愁
笳吹遠戍孤烽滅
雁下平沙萬里秋
況是故園搖落夜
那堪少婦獨登樓

雨雪曲

邊聲四合殷河流
雨雪飛來遍隴頭
鐵嶺探人迷鳥道
陰山飛將濕貂裘
斜飄旌旆過戎帳
半雜風沙入戍樓
一自塞垣無李蔡
何人爲解北門憂

行路難

行路艱難不復歌
故人榮達我蹉跎
雙輪晚上銅臺雪

一葉春浮瘴海波自古要津皆若此方今失路欲如何
君看西漢翟丞相鳳沼朝辭暮雀羅

折楊柳

紫陌金隄映綺羅游人處處動離歌陰移古戍迷芳

一作

荒草花帶殘陽落遠波臺上少年吹白雪樓中思婦歛
青蛾殷勤攀折贈行客此去關山雨雪多

詠酒

逃暑迎春復送秋無非綠蟻滿杯浮百年莫惜千回醉

一醖能消萬古愁幾為芳菲眠細草曾因雨雪上高樓
平生名利闕身者不識狂歌到白頭

白馬

渥洼龍種雪霜同毛骨天生膽氣雄金埒乍調光照地
玉闕初別遠嘶風花明錦襜垂楊下露濕朱纓細雨中
一夜羽書催轉戰紫髯騎出佩駢弓

句

海國歐鄉浙水東暫煩良守此憑熊

見事文類聚

潘緯

潘緯湘南人登咸通進士第詩二首

中秋月

古今逢此夜共冀泐寥明豈是月華別祇應秋氣清影
當中土正輪對八荒平尋客徒留望璿璣自有程

琴

客來鳴素琴惆悵對遺音一曲起於古幾人聽到今盡

含一作畫寒風靄遠自

一作日

泛月煙深風

一作風

續水山操坐

生方外心

句

篆經千古澀影瀉一堂寒

古鏡見吟窗雜錄

武瓘

武瓘貴池人登咸通進士第為益陽令詩一首

九日衛使君筵上作

佳晨登賞喜還鄉謝宇開筵晚興長滿眼黃花初泛酒
隔煙紅樹欲迎霜千家門戶笙歌發十里江山白鳥翔

共賀安人豐樂歲幸陪珠履侍銀章

勸酒

勸君金屈卮滿酌不須辭花發多風雨人生足別離

感事

一作于瀆詩
題云對花

花開蝶滿枝花謝蝶還稀惟有舊巢燕主人貧亦歸

表皓

表皓宜春人登咸通進士第僖宗狩蜀擢倉部員外郎
龍紀中為集賢殿圖書使自稱碧池處士碧池書三十

卷今存詩四首

重歸宜春偶成十六韻寄朝中知己

水香甘似醴知是入袁溪黃竹成叢密青蘿夾岸低煖
流瀾瀾戲深樹鷓鴣啼黃犬驚迎客青牛因卧泥有村
皆績紡無地不耕犁鄉曲多耆舊逢迎盡杖藜殷勤傾
白酒相勸有黃雞歸老官知忝還鄉路不迷直言千忌
諱權路恥依棲拙學趨時態閒思與牧齊稻糧饒燕雀
江海溢鳬鷺昔共逢離亂今來息鼓鞞恩仁霑品物教

化及雕題上貢貞元祿曾叨寵記批何須歸紫禁便是
到丹梯珍重長安道從今息馬嘶

及第後作

金榜高懸姓氏真分明折得一枝春蓬瀛乍接神仙侶
江海迴思耕釣人九萬搏扶排羽翼十年辛苦涉風塵
昇平時節逢公道不覺龍門是嶮津

重歸宜春經過萍川題梵林寺

梵林遺址在松蘿四十年來兩度過瀘水東奔彭蠡浪

萍川西注洞庭波村煙不改居人換官路無窮行客多
拖紫腰金成底事凭闌惆悵欲如何

寄岳陽嚴使君

得意東歸過岳陽桂枝香惹藥枝香也知暮雨生巫峽
爭奈朝雲屬楚王萬恨只憑期尅手寸心唯繫別離腸
南亭宴罷笙歌散回首煙波路渺茫

公乘億

公乘億字壽仙魏人咸通末登進士第為魏博節度使

樂彥禎從事加授侍郎詩一卷今存四首

賦得郎官上應列宿

北極佇文昌
南宮曉拜郎
紫泥乘帝澤
銀印佩天光
緯結三台側
鉤連四輔傍
佐商依傳說
仕漢笑馮唐
委佩搖秋色
峨冠帶晚霜
自然符列象
千古耀巖廊

春風扇微和

麗日催遲景
和風扇早春
暖浮丹鳳闕
韶媚黑龍津
澹蕩迎仙仗
霏微送畫輪
綠搖宮柳散
紅待禁花新
舞席

潛迴雪歌筵暗起塵幸當陽候律一顧及佳晨

賦得秋菊有佳色

陶令籬邊菊秋來色轉佳翠攢千片葉金剪一枝花
藥逐蜂鬚亂英隨蝶翅斜帶香飄綠綺和酒上烏紗
散漫搖霜彩嬌妍漏日華芳菲彭澤見更稱在誰家

賦得臨江遲來客

江上晚沈沈煙波一望深向來殊未至何處擬相尋
柳結重重眼萍翻寸寸心暮山期共眺寒渚待同臨
北去

魚無信南飛雁絕音思君不可見使我獨愁吟

句

十上十年皆落第一家一半已成塵

見撫言

王季文

王季文字宗素池陽人少居九華遇異人授九仙飛化
之術咸通中登進士第授祕書郎尋謝病歸九華日一
浴於山之龍潭寒暑不渝竟仙去詩二首

九華山謠

九華崢嶸占南陸蓮花擢本山半腹翠屏橫截萬里天
瀑水落深千丈玉雲梯石磴入杳冥俯看四極如中庭
丹崖壓下廬霍勢白日隱出牛斗星杉松一歲抽數尺
瓊草黃緣秀層壁南風拂曉煙霧開滿山葱蒨鋪鮮碧
雷霆往往從地發龍卧豹藏安可別峻極遙看戛昊蒼
挺生豈得無才傑神仙憚險莫敢登馭風駕鶴循丘陵
陽鳥不見峰頂樹大火尚結岫中冰靈光爽氣曛復旭
晴天倒影西江淥具區彭蠡夾兩傍正可別作一嶽當

少陽

青出藍

芳藍滋足帛人力半天經浸潤加新氣光輝勝本青還
同冰出水不共草為螢翻覆依襟上偏知造化靈

盧駢

盧駢咸通進士官員外詩一首

題青龍精舍

壽夭雖云命榮枯亦大偏不知雷氏劍何處更衝天

王鐔

王鐔登咸通進士第累官汝州刺史乾符中貶韶州司馬終太子賓客詩一首

感事

擊石易得火扣人難動心今日朱門者曾恨朱門深

李拯

李拯字昌時隴西人咸通中登第僖宗朝累官考功郎知制誥僞熒僭號逼為翰林學士熒敗為亂兵所殺詩

一首

退朝望終南山

紫宸朝罷綴鴛鸞
丹鳳樓前駐馬看
惟有終南山色在
晴明依舊滿長安

顧封人

顧封人咸通中進士詩一首

月中桂樹

芬馥天邊桂扶疎
在月中能齊大椿長
不與小山同皎

皎舒華色亭亭麗碧空
虧盈寧委露搖落不關風
歲晚花應發春餘質詎豐
無因遂攀賞徒欲望青葱

司馬都

司馬都咸通進士詩二首

和陸魯望白菊

恥共金英一例開
素芳須待早霜催
繞籬看見成瑤圃
泛酒須迷傍玉杯
映水好將蘋作伴
犯寒疑與雪為媒
夫君每尚風流事
應為徐妃致此栽

送羊振文先輩往桂陽歸覲

此去歡榮冠士林，離筵休恨酒杯深。
雲梯萬仞初高步，月桂餘香尚滿襟。
鳴櫂曉衝蒼靄發，落帆寒動白華吟。
君家祖德惟清苦，却笑當時問絹心。

御定全唐詩卷六百

欽定四庫全書

御定全唐詩卷六百一

李昌符

李昌符字巖夢咸通四年登進士第歷尚書郎膳部員

外郎詩一卷

書邊事

一作邊行書事
一作塞上行

朔野煙塵起天軍又舉戈陰風向晚急殺氣入秋多

一作

莽蒼蘆關北孤城帳幕多樹盡禽栖草冰堅路在河汾
客軍甘入陣老將望迴戈

陽無繼者

一作尋下世

羌虜肯先和

遠歸別墅

一作秋晚歸故居

馬省曾行處連嘶渡晚河忽驚鄉樹出漸識路人多細
徑穿禾黍顏垣壓薜蘿乍歸猶似客鄰叟亦相過

題友人屋

松底詩人宅閒門遠岫孤數家分小徑一水截平蕪竹
節偶相對鳥名多自呼愛君真靜者欲去又踟蹰

贈同遊

此來風雨後已覺減年華若待皆無事應難更有花
管弦臨夜急榆柳向江斜且莫看歸路同須醉酒家

送人出塞

北風吹雨雪舉目已悽悽戰鬼秋頻哭征鴻夜不栖
沙平關路直磧廣郡樓低此去非東魯人多事鼓鼙

尋僧元皎因贈

此生迷有著因病得尋師話盡山中事歸當月上時
高松連寺影亞竹入窗枝閒憶草堂路相逢非素期

下第後蒙侍郎示意指於新先輩宣恩感謝

才薄命如此自嗟更自疑
遭逢好文日黜落至公時
倚玉甘無路穿楊却未期
更慙君侍坐問許可言詩

夜泊渭津

漂漂東去客一宿渭城邊
遠處星垂岸中流月滿船
涼歸夜深簟秋入雨餘天
漸覺家山小殘程尚幾年

晚夏逢友人

一別同袍友相思已十年
長安多在客久病忽聞蟬驟

雨纔沾地陰雲不徧天
微涼堪話舊移榻晚風前

秋中夜坐

空庭吟坐久爽氣入荷衣
病葉先秋落驚禽背月飛
瘴雲晴未散戍客老將依
為應金門策多應說戰機

旅遊傷春

酒醒鄉關遠迢迢聽漏終
曙分林影外春盡雨聲中
鳥思一作倦江村路花殘野岸風
十年成底事羸馬倦西東

得遠書

故人居謫宦今日一書來良久驚無喜殷勤卷

一作讀更

開瘴雲沉去鴈江雨促新梅滿紙殊鄉淚非

一作沉冤不

可哀

贈同席

四座列吾友滿園花照衣一生知幾度後到擬先歸急
管侵諸樂嚴城送落暉當歡莫離席離席却歡稀

贈供奉僧玄觀

自得曹溪法諸經更不看已降禪侶久兼作帝師難夜

木侵簷黑秋燈照雨寒如何嫌有著一念在林巒

送琴客

楚客抱離思蜀琴留恨聲坐來新

一作看

月上

一作落

聽久

覺秋生夜靜騷人語天高別鶴鳴因君興一歎竟夕意

一作亦難平

別謫者

此地聞猶惡人言是所之一家書絕久孤驛夢成遲八月三湘道聞猿冒雨時不須祠楚相臣節轉堪疑

行思

千里豈云去欲歸如路窮人間無暇日馬上又秋風破
月銜高岳流星拂曉空此時皆在夢行色獨怱怱

感懷題從舅宅

郝家庭樹下幾度醉春風今日花還發當時事不同流
言應未息直道竟難通徒遣相思者悲歌向暮空

與友人會

蟬吟槐藥落的是愁端病覺離家遠貧知處事難真

交無所隱深語有餘歡未必聞歌吹羈心得暫寬

贈春遊侶

第七句
缺一字

密林多暗香輕吹送餘芳啼鳥愁春盡遊人喜日長浮
雲橫暮色新雨洗韶光欲散垂恨應須入醉鄉

送人遊邊

愁指蕭關外風沙入遠程馬行初有跡雨落竟無聲地
理全歸漢天威不在兵西京逢故老暗喜復時平

寄棲白上人

剪髮兼成隱將心更屬文無慘對豪客不拜謁吾君畫
壁惟泉石經窻半典墳歸林幽鳥狎乞食病僧分默坐
終清夜凝思念碧雲相逢應未卜余正走囂氛

送人入新羅使

雞林君欲去立冊付星軺越海程難計征帆影自飄望
鄉當落日懷闕羨迴潮宿霧蒙青嶂驚波蕩碧霄春生
陽氣早天接祖州遙愁約三年外相迎上石橋

詠鐵馬鞭并引

鐵馬鞭長慶二年義成軍節度使曹華進獻且曰
得之汴水有字刻云貞觀四年尉遲敬德字尚在
漢將臨流得鐵鞭鄂侯名字舊雕鐫須爲聖代無雙物
肯逐將軍卧九泉汗馬不侵誅虜血神功今見補亡篇
時來終薦明君用莫歎沉埋二百年

送友人

舉世誰能與事期解攜多是正歡時人間不遣有名利
陌上始應無別離晚渡待船愁立久亂山投店獨行遲

我今漂泊還如此江劍相逢亦未知

南潭

西岸青蕪掩古苔
西亭樹枕潭開
有時弦管收筵促
無數鳬鷺逆浪來
路入龍祠羣木老
風驚漁艇一聲迴
人傳郭惲多遊此
誰見當初泛玉杯

秋夜作

數畝池塘近杜陵
秋天寂寞夜雲凝
芙蓉葉上三更雨
蟋蟀聲中一點燈
跡避險巇翻失路
心歸閒澹不因僧

既逢上國陳詩日長守林泉亦未能

客恨

古原南北舊蕭疎高木風多小雪餘
半夜病吟人寢後百年閒事酒醒初
頻招兄弟同佳節已有兵戈隔遠書
肥馬王孫定相笑不知岐路厭樵漁

三月盡日

江頭從此管弦稀散盡遊人獨未歸
落日已將春色去殘花應逐夜風飛

綠珠詠

洛陽佳麗與芳華
金谷園中見百花
誰遣當年墜樓死
無人巧笑破孫家

贈別

又將書劍出孤舟
盡日停橈結遠愁
莫道一作到江波一作作
頭話離別江波一去不迴流

悶書

病來難處早秋天
一徑無人樹有蟬
歸計未成書半卷

中宵多夢晝多眠

傷春

即是春風盡仍霑夜雨歸明朝更來此無恐落花稀

登臨洮望蕭關

漸覺風沙暗蕭關欲到時兒童能探火婦女解縫旗川
少銜魚鷺林多帶箭麋暫來戎馬地不敢苦吟詩

御定全唐詩卷六百一

欽定四庫全書

御定全唐詩卷六百二

汪遵

一作王遵

汪遵宣城人幼為縣吏後辭役就貢咸通七年登進士
第詩一卷

彭澤

鶴愛孤松雲愛山
宦情微祿免相關
栽成五柳吟歸去
漉酒巾邊伴菊閒

杜郵館

殺盡降兵熱血流一心猶自逞戈矛
功成若解求身退
豈得將軍死杜郵

細腰宮

鼓聲連日燭連宵貪向春風舞細腰
爭奈君王正沈醉
秦兵江上促征橈

瑤臺

仙夢香魂不久留滿川雲雨滿宮愁
直須待得荆王死

始向瑤臺一處遊

吳坂

蹉跎鹽車萬里蹄
忽逢良鑒始能嘶
不緣伯樂稱奇骨
幾與駑駘價一齊

箕山

薄世臨流洗耳塵
便歸雲洞任天真
一瓢風入猶嫌鬧
何況人間萬種人

息國

家國興亡身獨存
玉容還受楚王恩
銜冤只合甘先死
何待花間不肯言

梁寺

立國從來爲戰功
一朝何事却談空
臺城兵匪無人敵
閒卧高僧滿梵宮

南陽

陸困泥蟠未適從
豈妨耕稼隱高蹤
若非先主垂三顧
誰識茅廬一卧龍

杞梁墓

一呼長城萬仞摧杞梁遺骨逐妻回南鄰北里皆孀婦
誰解堅心繼此來

夷門

晉鄙兵回爲重難秦師收旆亦西還今來不是無朱亥
誰降軒車問抱關

汴河

隋皇意欲泛龍舟千里崑崙水別流還待春風錦帆暖

柳陰相送到迷樓

燕臺

禮士招賢萬古名
高臺依舊對燕城
如今寂寞無人上
春去秋來草自生

聊城

刃血攻聊已越年
竟憑儒術罷戈鋌
田單漫逞燒牛計
一箭終輸魯仲連

西河

花貌年年溺水濱俗傳河伯娶生人自從明宰投巫後
直至如今鬼不神

密縣

百里能將濟猛寬飛蝗不到邑人安至今閭里逢災沴
猶祝當時卓長官

昇仙橋

題橋貴欲露先誠此日人皆笑率情應訝臨邛沽酒客
逢人還作漢公卿

破陳

獵獵朱旗映絳霞紛紛白刃入陳家
看看打破東平苑猶舞庭前玉樹花

白頭吟

失却青絲素髮生合歡羅帶意全輕
古今人事皆如此不獨文君與馬卿

短歌行

箭飛烏兔競東西貴賤賢愚不夢齊
匣裏有琴樽有酒

人間便是武陵溪

晉河

風引征帆管吹高
晉君張晏侯雄豪
舟人笑指千餘客
誰是煙霄六翮毛

干將墓

索齋水霜萬古聞
拍灰松地見餘墳
應緣神劍飛揚久
水水山山盡是雲

金谷

晉臣榮盛更誰過
常向堦前舞翠娥
香散豔消如一夢
但留風月伴煙蘿

三閭廟

爲嫌朝野盡陶陶
不覺官高怨亦高
憔悴莫酬漁父笑
浪交一作教千載詠離騷

易水

七首空磨事不成
誤留龍袂待琴聲
斯須却作秦中鬼
青史徒標烈士名

嚴陵臺

一釣淒涼在杳冥故人飛詔入山扃
終將寵辱輕軒冕
高卧五雲爲客星

淮陰

秦季賢愚混不分只應漂母識王孫
歸榮便累千金贈
爲報當時一飯恩

雞鳴曲

金距花冠傍舍棲清晨相叫一聲齊
開關自有馮生計

不必天明待汝啼

採桑婦

為報躊躇陌上郎
蠶飢日晚妾心忙
本來若愛黃金好
不肯攜籠更採桑

漁父

棹月眠流處處通
綠簑葦帶混元風
靈均說盡孤高事
全與逍遙意不同

越女

玉貌何曾爲浣沙只圖句踐獻夫差蘇臺日夜唯歌舞
不覺干戈犯翠華

望思臺

不憂家國任姦臣骨肉翻爲薦路人
巫蠱事行冤莫雪
九層徒築見無因

比干墓

國亂時危道不行忠賢諫死勝謀生
一沈冤骨千年後
壠水雖平恨未平

郢中

莫言白雪少人聽
高調都難稱俗情
不是楚詞詢宋玉
巴歌猶掩繞梁聲

北海

漢臣曾此作縲囚
茹血衣毛十九秋
鶴髮半垂龍節在
不聞青史說封侯

招屈亭

三閭溺處殺懷王
感得荆人盡縞裳
招屈亭邊兩重恨

遠天秋色暮蒼蒼

屈祠

不肯迂回入醉鄉
乍吞忠梗沒滄浪
至今祠畔猿啼月
了了猶疑恨楚王

銅雀臺

銅雀臺成玉座空
短歌長袖盡悲風
不知仙駕歸何處
徒遣顰眉望漢宮

斑竹祠

九處煙霞九處昏一回延首一銷魂因憑直節流紅淚
圖得千秋見血痕

題李太尉平泉莊

水

一作平

泉花木好高眠嵩少縱橫滿目前惆悵人間不

平事今朝身在海南邊

戰城南

風沙刮地塞雲愁平旦交鋒晚未休白骨又霑新戰血
青天猶列舊旄頭

延平津

三尺晶熒射斗牛豈隨凡手報冤讐延平一旦為龍處
看取風雲布九州

項亭

不修仁德合文明天道如何擬力爭隔岸故鄉歸不得
十年空負拔山名

烏江

兵散弓殘挫虎威單槍匹馬突重圍英雄去盡羞容在

看却江東不得歸

綠珠

大抵花顏最怕秋
南家歌歇北家愁
從來幾許如君貌
不肯如君墜玉樓

升仙橋

漢朝卿相盡風雲
司馬題橋衆又聞
何事不如楊得意
解搜賢哲薦明君

隋柳

夾浪分堤萬樹餘為迎龍舸到江都
君看靖節高眠處
只向衡門種五株

楊柳

亞夫營畔柳濛濛
隋主堤邊四路通
攀折贈君還有意
翠眉輕嫩怕春風

桐江

光武重興四海寧
漢臣無不受浮榮
嚴陵何事輕軒冕
獨向桐江釣月明

招隱

罷聽泉聲看鹿羣
丈夫才策合匡君
早攜書劍離巖谷
莫待蒲輪輟白雲

陳宮

椒宮荒宴竟無疑
倏忽山河盡入隋
留得後庭亡國曲
至今猶與酒家吹

樊將軍廟

王軫曾經陷楚營
漢皇心怯擬休兵
當時不得將軍力

日月須分一半明

東海

漾舟雪浪映花顏
徐福攜將竟不還
同作危時避秦客
此行何似武陵灘

昭君

漢家天子鎮寰瀛
塞北羌胡未罷兵
猛將謀臣徒自貴
蛾眉一笑塞塵清

五湖

已立平吳霸越功
片帆高颺五湖風
不知戰國官榮一作

縱橫者誰似陶朱得始終

澠池

西秦北趙各稱高
池上張筵列我曹
何事君王親擊缶
相如有劍可吹毛

函谷關

脫禍東奔壯氣摧
馬如飛電轂如雷
當時若不聽彈鋏
那得關門半夜開

詠酒二首

九醞松醪一曲歌
本圖閒放養天和
後人不識前賢意
破國亡家事甚多

萬事銷沉向一杯
竹門啞軋為風開
秋宵睡足芭蕉雨
又是江湖入夢來

蒼頡臺

觀跡成文代結繩
皇風儒教浩然興
幾人從此休耕釣
吟對長安雪夜燈

長城

秦築長城比鐵牢
蕃戎不敢過臨洮
雖然萬里連雲際
爭及堯階三尺高

欽定四庫全書

御定全唐詩卷六百三

許崇

許崇字文化宣州涇縣人咸通十二年登進士第授涇縣尉又嘗為江寧丞集一卷今編詩二卷

過洞庭湖

驚波常不定半日鬢堪斑四顧疑無地中流忽有山鳥

高

一作飛

恒

一作應

畏

一作墜

帆

一作遠

却

一作如

聞

一作漁父聞

相

一作時

引時

一作行

歌浩渺間

登渭南縣樓

近甸名偏著登城

一作樓

景又寬半空分太華極目是長

安雪助河流漲

一作廣一作急

人耕燒色殘閒來時甚少欲下

重憑欄

送李頻之南陵主簿

赴縣是還鄉途程豈覺長聽鶯離灞岸盪槩入陵陽野

歲生公署閒雲拂印床

一作章

晴天調膳外垂釣有池塘

寫懷

汨沒與辛勤全鍾在此身半生爲下客終老託何人兩
鬢闌中改千巖海上春青雲知有路

一作非有礙

自是致無

因

過中條山

徒爲經異岳不得訪靈蹤日盡行難盡千重復萬重雲
垂多作雨雷動半和鐘孤竹人藏處無因認本峰

早發洛中

半夜發清洛不知過石橋雲增中岳大樹隱上陽遙塹
黑初沉月河明欲認潮孤村人尚夢無處暫停橈

汝州郡樓望嵩山

不共衆山同嵒堯出迴空幾層高鳥外萬仞一樓中水
落難歸地雲離便逐風唯應霄漢客絕頂路方通

將歸江南留別友人

連春不得意所業已疑非舊國亂離後新年惆悵歸雪
開還楚地一作路花惹別秦衣江徼多留滯高秋會恐違

塞外書事

征路出窮邊孤吟傍戍煙河光深蕩塞磧色迴連天殘
日沉鵬外驚蓬到馬前空懷釣魚所未定卜歸年

日暮江上

孤帆收廣岸落照在遙峰南北渡人少高低歸鳥重潮
回沙出樹雨過浦沉鐘漁父雖相問那能話所從

客行

旅食

一作日唯

草草此生誰我同故園寃夢外長路別離

中人事萍隨水年光鳥過空欲吟先落淚多是怨途窮

送李員外知楊子州留務

一作後

帝命分留務東南向楚天幾程迴送騎中路見迎船冶
例開山鑄民多酌海煎青雲名素重此去豈經年

春暮途次華山下

他皆宴牡丹獨又出長安遠道行非易無圖住自難離
城風已暖近岳雨翻寒此去知誰顧閒吟祇自寬

旅次滑臺投獻陸侍御

已是鴻來日堪驚却背秦天遙三楚樹路遠兩河入旅
夢難歸隱吟魂不在身霜臺歌冠豸一作次賴許往來頻

重歸江南

無成歸故里不似在他鄉歲月逐流水山川空夕陽回

潮迷古渡迸竹過鄰牆

一作岸移迷釣石竹廣認鄰牆

耆舊休

一作稀

存

省

一作者

胡爲止淚行

寄黔南李校書

從戎巫峽外吟興更應多郡響蠻江漲山昏蜀雨過公

筵饒越味俗土尚巴歌中夜懷吳夢知經一作驚濫潏波

東歸留辭沈侍郎

一第久乖期深心

一作終身

已自疑滄江歸恨遠紫閣別愁

遲稽古成何事龍鐘負已知依門非近日不慮舊恩移

題開明里友人居

城中塵

一作園

外住入望是田家井出深山

一作泉

水閣藏

異國花風巢和鳥動雪竹向人斜來往唯君熟鄉園共

海涯

遣懷

此生何處遂肩肩復悠悠
舊國歸無計他鄉夢亦愁
飛塵長滿眼衰髮暗添頭
章句非經濟終難動五侯

送龍州樊使君

曾見邛人說龍州地未深
碧溪飛白鳥紅旆映青林
土產唯宜藥王租只貢金
政成開一作閑宴日誰伴使君吟

寄盤屋薛能少府

滿縣唯雲水何曾似近畿
曉庭猿一作禽集慣寒署吏衙

稀冰色封深澗樵聲出

一作紫翠

一作微時聞迎隱者依

舊著山衣

送李左丞巡邊

狂戎侵內地左轄去蕭關走馬衝邊雪鳴鞞動塞山風

收枯草定月滿

一作日閉

廣沙間西繞河蘭匝應多隔歲還

題青山館

即謝公舊居

境桀殊諸處依然是謝家遺文齊日月舊井照煙霞水
隔平蕪遠山橫度鳥斜無人能此隱來往謾興嗟

鴈門關野望

高關閑獨望望久轉愁人
紫塞唯多雪胡山不盡春
河遙分斷野樹亂起飛塵
時見東來騎心知近別秦

五原書事

西出黃雲外東懷白浪遙
星河愁立夜雷電獨行朝
磧迴人防寇天空鴈避鷗
如何非戰卒弓劍不離腰

送從弟歸泉州

問省歸南服懸帆任北風
何山猶見雪半路已無鴻
瘴

雜春雲重星垂夜海空往來如不住亦是一年中

留別故人

殊

孤一作

立本不偶非唯今所難無門

一作聞

閒共老盡日

泣相看鳥畏聞鷓鴣花慚

一作愁

背牡丹何人知此計復

議出長安

塞下二首

胡虜偏狂悍邊兵不敢閒防秋朝伏弩縱火夜搜山鴈
逆風輦振沙飛獵騎還安西雖有路難更出陽關

征役已不定又緣無定河塞深烽砦密山亂犬羊多漢
卒聞笳泣胡兒擊劒歌蕃情終未測今昔謾言和

題張喬昇平里居

下馬似無人開門只一身心同孤鶴靜行過老僧真亂
水藏幽徑高原隔遠津匡廬曾共隱相見自相親

題鄭拾遺南齋

明時無事諫豈是隱明君每值離丹陛多陪宴白雲門
連蕭洞僻地一作路與曲江分滿院皆檉竹一作柏期棲鸞

鶴羣

渭上送人南歸

遠役與歸愁同來渭水頭
南浮應到海北去阻無州楚
雨天連地胡風夏甚秋
江人如見問爲話復貧遊

寄睦州陸

一作侯郎中一作寄睦州

下國多高趣終年半是吟
海濤一作沙潮通越分部伍雜聞

一作蠻音曉郭雲藏市春山鳥護林
東浮一作遊雖未遂日

日至中心

投徐端公

無謀尋舊友強喜亦如愁
丹桂阻丹懇白衣成白頭
窮吳迷釣業大漠事貧遊
霄漢期提引龍鍾未擬休

出塞門

步步經戎虜防兵不離身
山多曾戰處路斷野行人
暴雨聲同瀑奔沙勢異塵
片時懷萬慮白髮數莖新

新年呈友

一月月相似一年年不同
清晨窺古鏡旅貌近衰翁
處

世閒難得關身事半空浮生能幾許莫惜醉春風

銀州北書事

南辭采石遠北背乞銀深磧路雖多險

一作阻

江人不廢

吟鵬依孤堞立鷗向迴沙沉因共邊人熟行行起戰心

寄趙能卿

我命同君命君詩似我詩俱無中道計各失半生期素業滄江遠清時白髮垂蹉跎一如此何處卜棲遲

夏州道中

茫茫沙漠漸遠赫連城堡迴烽

一作旗

相見河移浪旋

生無蟬嘶折柳有寇似防兵不耐饑寒迫終誰

一作難

至

此行

經故楊太尉舊居

在漢信垂功於唐道更隆一川留古迹多代仰高風樹
折巢墮鳥階荒草覆蟲行人過豈少獨駐夕陽中

東歸次采石江

東下經牛渚依然是故關客程臨岸盡鄉思入鷗閒雨

漲巴來

一作天

浪雲增楚際

一作國

山漁翁知未達相顧不

開顏

隴上書事

城壘

一作堞

連雲壑人家似隱居樹飛鸚鵡衆川下鵲鵲

疎滴夢關山雨資餐隴水魚誰知江徼客此景倍相於

陳情獻江西李常侍五首

二十二年遊秦復滯燕徒陪羣彥後自苦此生前徑
折啼猿樹巖荒噴月泉東堂曾受薦垂白志猶堅

浙浙復棲棲人間只自迷終年愁遠道到老去何蹊始
見紅葉落又聞黃鳥啼不因趨大旆誰肯暫提攜

童蒙即苦辛未識杏園春謾倚無為日還成不偶人鄉
程長恨遠旅夢亦愁貧天地雖云廣殊難寄此身

春闈久已滯秋賦又逢停選士疑

一作宜

長阻傷時自不

寧秦城還逐夢楚徼影隨形此去吟雖苦何人更肯聽
孤立時全塞求名勢轉難身多離下國分合阻長安越
鳥啼春早蠻花送雨寒丘門沾顧重未別欲闌干

經八合坂

躡險入高空初疑勢不窮又緣千嶂盡還共七盤同下
辨東流水平隨北去鴻天然無此道應免患窮通

送友人北遊

北出陰關去何人肯待君無青山擁晉半濁水通汾鴈
塞雖多鴈雲州却少雲茲遊殊不惡莫恨暫離羣

登凌歊臺

平蕪望已極况復倚凌歊江截吳山斷天臨楚澤遙雲

帆高出樹水市迴分橋立久斜陽盡無言似寂寥

曲江三月三日

滿國賞芳辰飛蹄復走輪好花皆折盡明日恐無春鳥
避連雲幄魚驚遠浪塵如何當此節獨自作愁人

贈棲白上人

閒身却不閒日日對天顏已住城中寺難歸海上山詩
傳華夏外偈布市朝間欲問空門事空門豈有關

野步

閒賞步易遠野吟聲自高路無人到跡林有鶴遺毛物
外趣都別塵中心枉勞沿溪收墮果坐石喚飢獠

過湍溝

一作浦谷

西去窮胡

一作湖

處崑崖境不常石形相對聳天勢一條

長棧底鳴流水林端歛夕陽雖隨兵馬至未免畏豺狼

送友人遊蜀

一本無友字

已興千萬岑此去若為心蟋蟀既將定獼猴應正吟
劍門秋斷鴈褒谷夜多砧自古西南路艱難直至今

題秦州城

聖澤滋遐徼河隄四向通
大荒收虜帳遺土復秦風
亂燒迷歸路遙山似夢中
此時懷感切極目思無窮

寄敬亭山清越上人

南朝山半寺謝眺故鄉鄰
嶺上非無主秋詩復有人
高禪星月近野火虎狼馴
舊許陪閒社終應待此身

秋江霽望

高秋偏入望霽景倍關情
落木

一作葉

滿江水離人懷渭

城山高孤戍斷野極暮天平漁父時相問蓋一作修真道

姓名

隴州旅中

一作舍書事寄李中丞

三伏客吟過長安未擬還蛩聲一作驚秋不動燕別思仍

閒亂葉隨寒雨孤蟾起暮關經時高嶺一作枕外來往旆

旌間

秋日歸舊山

山雲蟬滿樹欲住更何安上國回將晚孤峰別自難磧

遙鴻未到江近夜先寒泉石雖堪戀行人不願看

下黃耳盤

獨下黃盤路多虞部落連雲晴仍著地樹古自叅天亂
鳥飛人上驚麋起馬前行行無郡邑唯見虎狼煙

旅懷

終年唯旅舍只似已無家白髮除還出丹霄去轉賒夏
遊窮塞路春醉負秦花應是穹蒼意空教老若耶

題金山寺

四面波濤匝中樓

一作峰

日月鄰上窮如出世下矚忽驚

神刹

一作塔

礙長空鳥船通外國人房房皆疊石風掃永

無塵

送王侍御

一作郎

赴宣城

朝回離九陌島外賞殘春
經宿留閒客看雲作主人
時清難議隱位重亦甘貧
岩洞真仙境應休別卧鄰

題汧湖二首

偶得湖中趣都忘隴坻
愁邊聲風下鴈楚思浪移舟
靜

極亭連寺涼多島近樓吟遊終不厭還似曲江頭
隴首時無事湖邊日縱吟遊魚來復去浴鳥出還沉
蜃氣藏孤嶼波光到遠林無人見垂釣暗起洞庭心

宿青山館

下馬青山下無言有所思雲藏李白墓苔暗謝公詩
烈燒飛荒野樓鳧宿廣陂東來與西去皆是不聞時

宿同州厲評事舊業寄華下

從戎依遠地無日見家山地近風沙處城當甸服間
阻

河通渭水曲江苑帶秦關待月登樓夜何人相伴閒

聞蟬十二韻

造化生微物常能

一作偏宜

應候鳴初離何處樹又發去年

聲未蛻唯愁

一作微能

動纔飛似解驚聞來鄰海微恨起過

邊城騷屑隨風遠悠揚類雪輕報秋涼漸至嘶月思偏

清互默疑相答微搖似欲行繁音人已厭朽殼蟻猶爭

朝士嚴冠飾宮嬪逞鬢名亂依西日噪多引北歸情篠

露凝潛吸蛛絲忽迸縈此時吟立者

一作聽久

不覺萬愁生

一本只十韻云造化全微物常能應候鳴初離何處樹
又發去年聲騷屑隨風遠悠悠揚類葉輕報秋涼漸至嘶
夜思偏清默守疑相答微搖似欲行繁音人已厭朽聲
蟻相爭朝士嚴冠飾宮嬪逞鬢名亂依西月噪多引北
歸情蔭露凝潛吸蛛絲迸忽
縈此時吟立久萬緒一時生

冬杪歸陵陽別業五首

無媒歸別業所向自乖心
閭里故人少田園荒草深
浪翻全失岸竹迸別成林
鷗鳥猶相識時來聽苦吟

眠雲終未遂策馬暫休期
上國勞魂夢中心甚別離
冰封巖溜斷雪壓砌松欹
骨肉嗟名晚看歸却淚垂

學劍雖無術吟詩似有魔已貧甘事晚臨老愛閑多雞犬唯隨鹿兒童只衣簑時因尋野叟狂醉復狂歌

鄉國亂離後交親半旅遊遠聞誠可念歸見豈無愁敗葦迷荒徑寒簑沒壞舟衡門終不掩倚杖看波流

遊秦復滯燕不覺近衰年旅貌同柴毀行衣對骨穿籬寒多啄雀木落斷浮煙楚夜聞鳴鴈猶疑在塞天

送王侍御赴宣城

一作赴越城今

戴豸却

一作忽

驅雞東南上句溪路過金谷口

一作外

帆

轉石城西水樹連天暗山禽繞郡

一作縣

啼江人諳舊化

那復俟招攜

春日烏延道中


邊窮厄未窮復此逐歸鴻去路多相似行人半不同山
川藏北狄草木背東風虛負男兒志無因立戰功

寄華陰劉拾遺

堅心持諫諍自古亦艱難寄邑雖行化眠雲似去官河
分中野斷岳入半天寒瀑布冰成日誰陪吟復看

憶江南

南楚西秦遠名遲別歲深欲歸難遂去閒憶自成吟雷
電閒傾雨猿猱鬪墮林眠雲機尚在未忍負初心



御定全唐詩卷六百三

欽定四庫全書

集部

御定全唐詩卷六百

四至七

詳校官庶吉士臣胡鉅

主事銜臣徐以坤覆勘

總校官知縣臣繆琪

校對官助教臣汪日贊

謄錄監生臣張炳

欽定四庫全書

御定全唐詩卷六百四

許崇

送前汝州李侍御罷歸宣城

吟詩早得名戴豸又加榮下國閒歸去他人少此情雲
移寒嶠出燒夾夜江明重引池塘思還登謝眺城

失題

一作送前汝州李侍御罷歸宣城第二首一作塞下曲

獨夜長城下孤吟近北辰半天初去鴈窮磧遠來人月

黯氛埃積風羶帳幙鄰惟聞防虜寇不語暗傷神

送裴拾遺宰下邳

一作赴
幾令

受謫因廷諫

一作東

行不出關直廬辭玉陛上馬向

一作

過仙山地古桑麻廣城偏僕御閒縣齋高枕卧猶

一作應

夢犯天顏

隗囂宮晚望

西顧伊蘭近方驚滯極邊水隨空谷轉山向夕陽偏磧
鳥多依地胡雲不滿天秋風動衰草只覺犬羊羶

江上行

片席隨高鳥連天積浪間葦寬雲不匝風廣雨無閒
戍影臨孤浦潮痕在半山東一作泰原歸未得荏苒滯江關

登山

信步上鳥道不知身忽高近空一作雲無世界當楚見波

濤頂峭松多瘦崖懸石盡牢獼猴呼獨散隔水向人號

哭宣城元徵君一作士

高眠終不起遠趣固難知琴劒今無主園林舊許誰苔

封僧坐石葦漲鶴翹池後代傳青史方欽道德垂

寄建州姚員外

誣譖遭遐謫明君即自知鄉遙辭劍外身獨向天涯嶺
堠蠻雲積閩空瘴雨垂南來終不遂日探北歸期

送厲校書從事鳳翔

赴辟依丞相超榮事豈同城池當隴右山水是關中日
有來已使秋高出塞鴻旬休隨大旆應到九成宮

春夜同厲文學先輩會宿

江漢久分路京闕重聚吟更為他夜約方盡昔年心月
隔明河遠花藏宿鳥深無眠將及曙多是說山陰

長安書情

疎散過間人同人不在秦近來驚白髮方解惜青春僻
寺居將遍權門到絕因行藏如此輩何以謂謀身

過故洛城

七百數還窮城池一旦空夕陽唯照草危堞不勝風岸
斷河聲別田荒野色同去來皆過客何處問遺宮

寄廬山賈處士

時泰亦高眠人皆謂不然窮經休望辟餌朮止期仙彭蠡波涵月爐峰雪照天常聞風雨夜到曉在漁船

下第東歸留別鄭侍郎

無才副至公豈是命難通分合吟詩老家宜逐浪空別心懸闕下歸念極吳東唯畏重回日初情恐不同

泗上早發

獨起無人見長河

一作淮

夜泛時平無疑自動落月似相

隨楚外離空早闕西去已遲漁歌聞不絕却軫洞庭思

贈天台僧

赤城霞外寺不忘舊登年石上吟分海樓中語近天重
遊空有夢再隱定無緣獨夜休行道星辰靜照禪

冬夜與友人會宿

君初離鴈塞我久滯雕陰隔閨俱勞夢通宵各話心禁
風吹漏出原樹映星沉白晝常多事無妨到曉吟

送元遂上人歸吳中

落髮在王畿承恩著紫衣印心誰受請講疏自攜歸泛
浦龍驚錫禪雲虎繞扉吳中知久別菴樹想成圍

贈志空上人

了了在中南宗與北宗行高無外染骨瘦是真容飯
野孟埋雪禪雲杖倚松常修不住性必擬老何峰

邊城晚望

廣漠杳無窮孤城四面空馬行高磧上日墮迴沙中逼
曉人移帳當川樹列風迢迢河外路知直去崆峒

汴上暮秋

獨立長堤上西風滿客衣
日臨秋草廣山接遠天微
岸葉隨波盡沙雲與鳥飛
秦人寧有素去意自知歸

春日言懷

東風萬物新獨未到幽人賦
命自多蹇陽和非不均五
陵三月暮百越一家貧
早悞閒眠處處無愁異此身

奉天寒食書事

處處無煙火人家似暫空
曉林花落雨寒谷鳥啼風
故

里芳洲外殘春句服中誰知獨西去步步泣途窮

長安寓居

貧寄帝城居交朋日自疎
愁迎離磧鴈夢逐出關書
經雨蟬聲盡無風杵韻餘
誰知江徼塞所憶在樵漁

寫懷

此生居此世堪笑復堪悲
在處有岐路何人無別離
長當多難日愁過少年時
窮達都判了休閒鑷白髭

白菊

所尚雪霜姿非關落帽期香飄風外別影到月中疑
發在林彫後繁當露冷時人間稀有此自古乃無詩

中秋夜對月

月月勢皆圓中秋朗最偏萬方期一夕到曉是經年影
蔽星芒盡光分物狀全惟應苦吟者目斷向遙天

陪郢州張員外宴白雪樓

高情日日閒多宴雪樓間灑檻江干雨當筵天際山帶
帆分浪色駐樂話朝班豈料羈浮者樽前得解顏

和一作同薛侍御題興善寺松

何年斲到城滿國響

一作向

高名半寺陰常匝鄰坊景亦

清代多無朽勢風定有餘聲自得天然狀非同澗底生

題鄭侍郎巖隱

一作隱巖

十韻

朝退常歸隱真修大隱情園林應得趣巖谷自為名野
步難尋寺間吟少在城樹藏幽洞黑花照遠村明海石
分湖路風泉遶雨聲性高憐散逸官達厭公卿架引藤
重長階延笋迸生青門無到客紫閣有來鶯物外身雖

隱區中望本清終難依此境坐

一作堅

卧避釣衡

宿靈山蘭若

江心天半寺一夕萬緣空地出浮雲上星搖積浪中滴
漚垂閣雨吹檣送帆風旦夕聞清磬唯應是釣翁

親仁里雙鷺

雙去雙來日已頻只應知我是江人對歌雪頂思尋水
更振霜翎恐染塵三楚幾時初失侶五陵何樹又棲身
天然不與凡禽類傍砌聽吟性自馴

成紀書事二首

東吳遠別客西秦懷舊傷時暗灑巾滿野多成無主塚
防邊半是異鄉人山河再濶千餘里城市曾經一百春
閒與將軍議戎事伊蘭猶未絕胡塵

蹉跎遠入犬羊中荏苒將成白首翁三楚田園歸未得
五原岐路去無窮天垂大野鷗盤草月落孤城角嘯風
難問開元向前事依稀猶認隗囂宮

秦中遇友人

半生南走復西馳，愁過楊朱罷泣岐。
遠夢亦羞歸海徼，貧遊多是滯邊陲。
胡雲不聚風無定，隴路難行棧更危。
旦暮唯聞語征戰，看看已欲廢吟詩。

過分水嶺

隴山高共鳥行齊，瞰險盤空甚躡梯。
雲勢崩騰時向背，水聲鳴咽若東西。
風兼雨氣吹人面，石帶冰稜礙馬蹄。
此去秦川無別路，隔崖窮谷却難迷。

講德陳情上淮南李僕射八首

天降賢人佐聖時自然聲教滿華夷英明不獨中朝仰
清重兼聞外國知涼夜酒醒多對月曉庭公退半吟詩
梁城東下雖經戰風俗猶傳守舊規

多

一作累

朝軒冕冠乾坤四海皆推聖最尊楚王已曾分

卞玉膺門依舊是龍門筵開樂振高雲動城掩輦收落
日昏嘗念蒼生如赤子九州無處不沾恩

未領春闈望早清况聯戎閫控強兵風威遍布江山靜
教化高同日月明九郡竟歌兼煮海四方皆得共和羹

東南自此全無事只為期年政已成

帝念淮堦疫疹頻牢籠山海委名臣古來比德由無侶
當代同途豈有人夜宴獨吟梁苑月朝遊重見廣陵春
多年疲瘵全蘇息須到謳謠日滿秦

三紀吟詩望一名丹霄待得白頭成已期到老還沾祿

無復偷閒

一作安

却養生當宴每垂聽樂淚望雲長起憶

山情朱門舊是登龍客初脫魚鱗膽尚驚

東來淮海拜旌旗不把公卿一字書曾侍晚齋吟對雪

又容華館食兼魚孤微自省恩非次際會誰知分有餘
唯耻舊橋題處在榮歸無計似相如

平生南北逐蓬飄待得名成鬢已彫寒浦一從拋釣艇
舊林無處認風飈程途雖喜關河盡時節猶驚骨肉遙
愁策羸蹄更歸去亂山流水滿翻潮

丹霄空把桂枝歸白首依前着布衣當路公卿誰見待
故鄉親愛自疑非東風乍喜還滄海棲旅終愁出翠微
應念無媒居選限二年須更守漁磯

獻獨孤尚書

虛拋南楚滯西秦
白首依前衣白身
退鷁已經三十載
登龍曾見一千人
魂離為役詩篇苦
淚竭緣嗟骨相貧
今日鞠躬高旆下
欲傾肝膽杳無因

將過單于

荒磧連天堡戍稀
日憂蕃寇却忘機
江山不到處皆到
隴鴈已歸時一作身
未歸行李亦須攜
戰器趨迎當便著
戎衣并州去路殊
迢遞風雨何當達
近畿

貞女祠

何穴藏貞骨荒祠見舊顏精靈應自在雲雨不相關落
石泉多咽無風樹盡閒唯疑千古後為瑞向人間

宿華山

異境良難測非仙豈合遊星辰方滿岳風雨忽移舟噴
月泉垂壁棲松鶴在樓因知修養處不必在嵩丘

送張員外西川從事

為郎不入朝自是赴嘉招
豸角初離首金章已在腰
劒

橫陰綠野棧響近丹霄迎驛應相續懸愁去路遙

題慈恩寺元遂上人院

竹檻匝回廊城中似外方月雲開作片枝鳥立成行徑
接河源潤庭容塔影涼天台頻去說誰占最高房

送杜倉曹往滄洲謁叔常侍

浮陽橫巨浸南卷擁旌旃別帶秦城雨行聞魏國蟬磧
鴻來每後朝日見常先東一作北鄙雲霞廣高林間一作秋媚

水天

雕陰道中作

五月綏州北途程少鬱蒸馬依羶草聚人抱濁河澄

邊人

多以甕抱水

蹟

一作壚

固長城壘寬深太子陵往來經此地悲

苦有誰能

留別從弟柳

一作琳

同承太嶽脣俱值太平時丹陛懷趨計滄洲負去期久
貧成蹭蹬多病惜支離宗分兼交分吾知汝亦知

尋山

躡履復支筇深山草木中
隔溪遙避虎當塢忽聞鐘
落葉多相似幽禽半不同
羣猿呼却散如此異林翁

送徐侍御充南詔判官

西去安夷落乘輶從節行
彤庭傳聖旨異域化戎情
瘴路窮巴徼蠻川過嶠城
地偏風自雜天漏月稀明
危棧連空動長江到底清
笑宜防狒狒言好聽猩猩
撫諭如敦行歸情自合盟
迴期佩印綬何更見新正

送省玄上人歸江東

釋律周儒禮嚴持用戒身安禪思剡石留偈別都人雨
合吳江黑潮移海路新餅盃自此去應不更還秦

送劉校書遊東魯

內閣勞讎校東邦忽縱遊才偏精二雅分合過諸侯暗
海龜蒙雨連空趙魏秋如經麟見處駐馬瞰荒丘

送金吾侍御奉使日東

還鄉兼作使到日倍榮親向化雖多國如公有幾人孤
山無返照積水合蒼旻膝下知難住金章已繫身

題甘露寺

丹檻拂丹霄人寰下瞰遙何年增造化萬古出塵囂地
勢盤三楚江聲換幾朝滿欄皆異藥到頂盡飛橋澤廣
方雲夢山孤數沃焦中霄霞始散經臘木稀凋鐸動天
風度窓明海氣消帶輦分迴堞當日辨翻潮鳥去沉葭
莢帆來映沆瀣浮生自多事無計免迴鑣

冬夜懷真里友人會宿

靜語與高吟搜神又爽心各來依帝里相對似山陰漏

永星河沒堂寒月彩深從容不易到莫惜曙鐘侵

陪一作同友人夏夜對月

後伏中宵月高秋滿魄齊輪移仙掌外影下玉繩西蟬

雀飛多悞星螢出自迷煩蒸驚頓絕吟翫畏一作悵聞雞

送從弟籌任告成尉

海上從戎罷嵩陽佐縣初故人皆羨去吾祖舊曾居地
古多生藥溪靈不聚魚唯應尋隱者閒寺講仙書

秋日陪陸校書遊玉泉

共愛泉源異頻來不覺勞散光垂草細繁響出風高沫
滯潭花片沙遺浴鳥毛塵間喧與悶須向此中逃

送防州鄔員外

千溪與萬嶂繚繞復崢嶸太守勞車馬何從駐旆旌
椒香近滿郭漆貨遠通京唯滌雙塵耳東南聽政聲

過穆陵關

荒闕無守吏亦耻白衣過地廣人耕絕天寒鴈下多東
西方自感雨雪更相和日暮聊攄思搖鞭一放歌

江上遇友人

闕下分離日杏園花半開江邊相值夜榆塞鴈初來坐
久河沉斗吟長月浸杯鱸魚非不戀共有客程一作塵催

憶宛陵舊居

舊憶陵陽北林園近板橋江晴帆影滿野迴鶴聲遙島
徑通山市汀扉上海潮秦城歸去夢夜夜到漁樵

題聞琴館

城非宓賤邑館亦號聞琴乃是前賢意常留化俗心代

公存綠綺誰更寄清音此迹應無改寥寥畢古今

寄江上弟妹

無成歸未得不是不謀歸垂老登雲路猶勝守釣磯大
荒身去數窮海信來稀孤立皆難進非闕命獨違

題李昌符豐樂幽居

詩家依闕下野景似山中蘭菊俱含露杉梧為奏

一作起

風破門韋曲對淺岸御溝通莫歎連年屈君須遇至公

青山晚望

昔人懷感處此地倍魂消四海經搖落三吳正寂寥風
移殘燒遠帆帶夕陽遙欲繼前賢跡誰能似隱招

宣城送進士鄭徽赴舉

長安去是歸上馬肯沾衣水國車通少秦人楚薦稀鴻
方離北鄙葉下已西畿好整丹霄步知音在紫微

言懷

萬事不關心終朝但苦吟久貧慙負債漸老愛山深日
月銷天外帆檣棄海陰榮枯應已定無復繫浮沉

汴河十二韻

昔年開汴水元應別有由或兼通楚塞寧獨為揚州直
斷平蕪色橫分積石流所思千里便豈計萬方憂首甚
資功濟終難弭宴遊空懷龍舸下不見錦帆收浪倒長
汀柳風歌遠岸樓奔逾懷許竭澄徹泗濱休路要多行
客魚稀少釣舟日開天際晚鴈合磧西秋一派注滄海
幾人生白頭常期身事畢於此泳東浮

旅中送人歸九華

分與仙山背多年負翠微無因隨鹿去只是送人歸頂
木晴摩日根嵐曉潤衣會於猿鳥外相對掩高扉

送友人歸江南

皇州五更鼓月落西南維此時有行客別我孤舟歸上
國身無主下第誠可悲

洞庭湖

空江浩蕩景蕭然盡日菰蒲泊釣船青草浪高三月渡
綠楊花撲一溪烟情多莫舉傷春目愁極兼無買酒錢

猶有漁人數家住不成村落夕陽邊

句

曉嶂猿開戶寒湫鹿舐冰 當空吟待月到晚坐看山

以上見紀事

一年三領郡領郡管仙山

贈段成式見語林

御定全唐詩卷六百四